

Allannguutissatutsiunnersuut

uunga

Feriarneq pillugu Inatsisartut inatsisissaattut siunnersuut

Aappassaaneerinninnermut Naalackersuisunit saqqummiunneqartoq.

§ 4-mut

1. § 4, imm. 1-imi oqaaseqatigiit kingulliit ima oqaasertaqassapput:
"Akunnerit feriarfiit amerlanerpaamik 200-it pissarsiarineqarsinnaapput, sapaatit akunnerinut suliffinnut tallimanut imaluunniit sapaatip akunneranut ulluni tallimani suliffiusartumi ullunut suliffinnut 25-nut naapertuuttut."

2. § 4, imm. 2 ima oqaasertaqassaaq:
"Imm. 2. Feriarnerup sivissusissaaq naatsorsuinermit sulisimanertut naatsorsuutigineqassapput; inatsit una malillugu feriarneq aamma napparsimanermik, erninermik, qitornavissartaarnermik imaluunniit ajoqusersimanermik pissuteqartumik sulinnigittarsimaneq § 14 naapertorlugu feriarnerisutisiffiusussaq."

§ 6-imut

3. § 6, imm. 1 ima oqaasertaqassaaq:
"Feriartoqassaaq ukiup katersiviusup kingornatigut ukiumi feriarfimmi tulliuuttumi, 1. februaarimit 31. januaarimut ingerlasumi."

§ 7-imut

4. § 7 ima oqaasertaqassaaq:

"§ 7. Akissaateqarluni sulisuusoq sivikinnerpaamik sap. akunnerini pingasuni ataqatigiimmik feriarinnaatitaavoq - feriatut pingaarnertut taaneqartumik - piffissami feriarfiusussami 1. februaarimit 30. septembarimut. Sinneruttut piffissap feriarfissap avataani sivikinnerpaamik sapaatit akunneranni ataatsimi ataqatigiimmik feriarfigineqassasut piumasaqaatigineqarsinnaapput. Nalunaaquttap akunneri feriarfissat sinneruttut nalunaaquttap akunnerisut ataasiakkaatut feriarfigitineqarsinnaapput, taamaattoq minnerpaamik ullukkaartutut annertussusilerlugit.

Imm. 2. Ataatsimoortumik isumaqatigiissuteqarnikkut allamik isumaqatigiissuteqartoqarsimanngippat, imaluunniit inatsit isumaqatigiissulluunniit atuuttoq malillugu soraarnissamik ilimasaarinissaq qaammatinit pingasunit sivisuneruppat, sulisitsisup sulisoq akuersiseqqaarnagu, imm. 1 naapertorlugu feria pingaarneq piffissamut sulisitsisup soraarsitsinissamik nalunaarutigisaata piffissallu soraarfissap akornannut inississinnaanngilaa. Sulisitsisup tungaaniit soraarsitsisoqartillugu taassuma tamatigut feriarnissat allat piffissami soraarnissap tungaanoortumi atorneqassasut piumasaqaatigisinnaavaa.

Imm. 3. Akissaateqarluni sulisuusoq piffissami soraarnissap tungaanoortumi suliunnaarsitaasimappat, feriarfissat tamarmik tiguneqarsimasutut isigineqassapput, feriarnissap aalajangereerneqarsimanera apeqqutaatinnagu, piffissat § 9, imm. 1-imi taaneqartut feriarnerlu piffissap suliunnaarsitsiffiup iluaniissinnaappata."

§ 8-mut

5. § 8 ima oqaasertaqassaaq:

"§ 8. Pisariaqarpat, suliffeqarfiup ingerlanneqarnera eqqarsaatigalugu, sulisitsisup feria pingaarneq piffissap feriarfissap avataanut inississinnaavaa.

Imm. 2. Imm. 1 malillugu feriamik pingaarnermik inissiisoqarpat feriap pingaarnerep taassumaluunniit ilaata piffissap feriarfiusussap avataanut inissinneqartup 1/5-ianik feria sivitsorneqarsinnaatitaavoq. Ilassutaasunik feriarnermi pisarnertut akissarsiaqartitsisoqassaaq."

§ 11-mut

6. § 11, imm. 3 ima oqaasertaqassaaq:

Imm. 3. Akissaateqarluni sulisuusoq feriarnermini napparsimalersaq, taartisiatut feriarnissaminik pisinnaatitaavoq, napparsimaneq minnerpaamik nalunaaquttap akunnerinik feriarfissanik 40-nik sivisussuseqarsimappat, tamannalu sulisitsisumut Peqqinnissaqarfimmit taamatulluunniit oqartussaasumit uppernarsarneqarsimappat."

7. § 11, imm. 4 ima oqaasertaqassaaq:

Imm. 4. Akissaateqarluni sulisuusup imm. 2 aamma 3 malillugit taartisiatut feriarinnaatitaaneranut tunngaviussapput nappaat ima pissuseqarsimassasq napparsimanerup nalaani feriarneq kinguneqassalluni feriarnerup qasuersaarnissamik

siunertaa naammassineqarsimasutut isigineqarsinnaanani aamma akissaateqarluni sulisuusup sulisitsisumut napparsimalernerminik peqqissinerminillu nalunaaruteqarsimanissaanut suliffeqartitaanermi maleruagassanik nalinginnaasunik malinnissimanissaa."

§ 16-imut

8. § 16, imm. 1, oqaaseqatigiit kingullit ima oqaasertaqassapput:
"Sulisitsisorli akissaateqarluni sulisuusup soraarnerussutisiaqalernissamut aaqqissuussinernut il.il. akiliutaanit feriarnersiuteqartitsissaaq immikkullu ittumik feriarnersiuteqartitsissalluni."

§ 18-mut

9. § 18, imm.3 ima oqaasertaqassaaq:
"*Imm. 3.* Qaammammusiaqartut akissarsiaqarlutik feriarnissaminnut taarsiullugu feriaqarnersiuteqarnissaminnik toqqaasimasut feriaqarnersiutissaat tunniunneqassapput feriarfigisaq kingoqqutitsiarlugu, peqatigisaanillu akissarsiaat apparneqassallutik piffissamut feriarfiusimasumut naapertuuttumik."

§ 19-imut

10. § 19, imm. 1, nr. 2 ima oqaasertaqassaaq:
"2) akissaateqarluni sulisuusoq utoqqalinermin pensionisiaqarsinnaalersimappat suliunnaarsimappallu."

§ 22-mut

11. § 22, imm. 3 ima oqaasertaqassaaq:
"*Imm. 3.* Feriarnersiutinit, immikkut ittumik feriarnersiutinit aamma feriarnermi akissarsianit pisortanut akiligassanik ilanngaassisoqarsinnaanngilaq, inatsisini allani taama allassimasoqartinnagu."

§ 23-mut

12. § 23, imm. 2 ima oqaasertaqassaaq:
"*Imm. 2.* Immikkoortoq 1 atorneqassanngilaq, akissaateqarluni sulisuusoq sulisitsisumut isumaqatigiissuteqarnikkut feriassanik katersisinnaatitaasimappat

tamannalu feriarnermut aningaasaateqarfimmut, imm. 3 takuuk, uppernarsarneqarpat."

Kapitali 7-imut

13. *Kapitali 7* ima oqaasertaqassaaq:

"Kapitali 7 *Atuutilerfia*

§ 24. Inatsit 1. januar 2002-imit atuutilerpoq, ukiumit katersiviusumit 2001-imit aamma ukiumit feriarfiusumit 1. februar 2002-imi aallartittumit atuutissalluni.
Imm. 2. Aalajangersimanngitsumik suliffeqartitaasut Feriernesuteqarneq feriernerlu pillugit Inatsisartut inatsisaata atuutinngiffii pillugit Namminersornerullutik Oqartussat nalunaarutaanni nr. 27, 5. august 1991-imeersumi § 1 naqinneq b-imi pineqartut eqqarsaatigalugit aatsaat inatsit atuutilissaaq 1. januar 2003 ukiumit katersiviusumit 2002-imit aamma ukiumit feriarfiusumit 1. februar 2003 aallartittumit sunniuteqartumik.
Imm. 3. Peqatigitillugu atorunnaarsinneqarput Feriernesuteqarneq feriernerlu pillugit Inatsisartut inatsisaat nr. 22, 25. oktober 1990-imeersoq kiisalu taanna malillugu nalunaarusiarineqarsimasut."

Nassuiaatit

Allannguutissatut siunnersuut saqqummiunneqarpoq inatsisissatut siunnersuutip siullermeerneqarnerani siunnersuutip kalaallisuuani kukkunerit toqqarlugit taaneqartut iluarseqquneqarmata. Inatsisissatut siunnersuutip misissuataaqinnerani kukkunerit amigaatillu allat aamma naammattorneqarput, taamatullu inatsisissatut siunnersuutip oqaasertaasa ilaanik iluarsiiisoqarluni erseqqissaasoqarlunilu inatsisip paasineqarnissaanut iluaqutaasussanik.

Nr. 1-imut

Oqaasertaanik erseqqissaaneq tassa pineqarpoq.

Nr. 2-mut

Oqaaseqatigiit iluarsineqarput erseqqissarneqarlutillu.

Nr. 3-mut

Erseqqissaatitut oqaaseq "ingerlasumi" ilanngunneqarpoq.

Nr. 4-mut

Imm. 1-imi inatsisissatut siunnersuutip danskisuuaniit " - feriatut pingaarnertut taaneqartumik -" ilanngunneqarpoq.

Imm. 2-mi kukkuneq killormut isumaqalersitsisoq iluarsineqarpoq.

Imm. 3 danskisuuaniit naapertuuttunngortinneqarpoq.

Taakku saniatigut oqaaseqatigiinnik iluarsiisoqarpoq.

Nr. 5-imut

§ 7-ip allanngortinneqarnerata malitsigisaanik allanngortitsineruvoq, imm. 2-milu oqaaseqatigiit iluarsineqarlutik.

Nr. 6-imut

Erseqqissarneqarpoq feriarnermi napparsimalersimagaanni taartisiatut feriarnissaq pisinnaatitaaffiusoq.

Nr. 7-imut

Immikkoortoq danskisuuaniit naapertuuttunngortinneqarpoq.

Nr. 8-mut nr. 9-mullu

Erseqqissaanerit taakkunani pineqarput.

Nr. 10-mut

Allanngortitsinikkut 2) danskisuaanut naapertuuttunngortinneqarpoq.

Nr. 11-mut

Immikkoortup naggataatungaani danskisuaanut naapertuuttunngortitsisoqarpoq.

Nr. 12-imut

", imm. 3 takuuk," ilanngunneqarpoq.

Nr. 13-imut

Imm. 1-imi 2-milu erseqqissaasoqarpoq.